



16. august 2012

UKA 2012/59

Inatsisartut suleriaasianni § 33 naapertorlugu aalajangiiffigisassatut siunnersuut una Inatsisartunut saqqummiupparput:

Kommunit inatsisinik toqqammaveqarlutik illoqarfinni A/S INI-p errorsisarfinnik tamanut atugassanik matusinerata kingorna errorsisarfeeruttuni, errorsisarfinnik imminut akilersinnaanngitsunik ingerlatsisinnaanannerannik mattunneqarunnaarsillugit kommunit ingerlanneqarneri pillugit Naalakkersuisut maleruagassanik qulakkeerinninnillutik sulissuteqarnissaat pillugu Inatsisartuni aalajangiiffigisassatut siunnersuut.

(Inatsisartunut ilaasortat Ruth Heilmann aamma Anders Olsen, Siumut)

Tunngavilersuut:

2008-p missaani INI-p illoqarfinni arlalinni, errorsisarfiit ukiuni arlalinni amigartooruteqarlutik ingerlareernerisa kingunerisaanik, aningaasanik ikisilluni ataatsimoortumik errorsisarfinnik ingerlatsinini taamaatikkiartuaalerpaa. Tamanna pillugu 2008-mut Aningaasanut Inatsimmi konto pingaarnermi 72.10.16 *Inissiat attartortittakkat ingerlanneqarnerat, aningaasaliissutinit iluanaarutit* makku atuarneqarsinnaapput:

”INI-p ataatsimut errorsisarfiit imminnut isumagisut qulit ingerlappai, taakkunangalu arlallit ingerlatsinikkut amigartooruteqarfijuarnertik pissutigalugu atorunnaarsinneqartussaapput... Kontomi pingaarnermi matumani ataatsimoorussamik errorsisarfiit atorunnaarsinneqarnissamik imaluunniit kommunimut tunniunneqarnissamik tungaanut amigartoorutaat matussuserneqartarput.”

Errorsisarfinnut taakkununga qulinut tunngatillugu, errorsisarfiit ataasiakkaat qanoq inissisimaneerat erseqqinngilaq. Nanortalimmilu errorsisarfinnut tunngatillugu, taassuma 2010-mi kommunimut tunniunneqarnermi kingorna ullumikut matoqqanera ilisimaaraarput, (Takuuk § 37 nappertorlugu apeqqut 2011:219) Ilisimasat naapertorlugit Nunamut Namminermut Allaffeqarfimmit ataatsimoorluni errorsisarfinnik ingerlatsineq kommunit suliassaasa iluaniinngitsoq nalunaarfigineqarsimasoq ilisimaaraarput, taamaalioarsinnaanerali aamma kommunip aningaasatigut pitsaanngitsumik inissisimaneerata ajornartippaa. Kommunip suliassaq namminersortunit ingerlanneqarnissaa siunertaralugu suliariumannittussarsiuussimagaluarpaa, iluatsinngitsumilli. Illu errorsiviillu ullumikut atorneqaratik parnaaqqatiinnarneqarput.

Apeqqut manna innutaasunik ataatsimiititsinerni qaqilerneqartuuvoq, soorluttaaq tamanna aamma Nanortalimmik 2012-imi augustimi innuttaasunik ataatsimiititsinermi qaqilerneqartoq.

Innuttaasut amerlaqisut angerlarsimaffimminni kuuinnartumik imeqanngillat, taamaammallu errorsisinaanerminni aamma imeq amigaatigisarpaat. Tamanna aammalu uffarsinnaanermut periarfissaq innuttaasut peqqinnerusumik inuunneqarnissaannut kissaatigineqartumut naapertuu-

tinggilluinnarpoq. Aammalu TB-p atugaalersimanerujussuanut akiuniarnermut naapertuusorinarani, taamalu aamma kilaat, kumaat aamma takussaaneruartornerat oqaatigineqar-luni, aammalu sapigaqartunut assut taamatut atugaqarneq assut kingunerluuteqartartoq aamma malugineqaleriartortoq oqaatigineqarpoq, tamassumallu misissuiffiguilluarnissaa assut aamma pingaaruteqarluinnartuuvoq. Taamatut innuttaasut atugaqarnerat tusarlugu assut mamianartuuvoq akiorneqartariaqarlunilu. Kiisalu aamma angerlarsimaffinni inigisap angisuugajunngitsupq iluani errortat maniortorneqartarput masattut isugutattullu, taamaattumillu angerlarsimaffiup silaannarissuunissaralua tamatumuunakkut pinngitsoortinneqartarpoq, taamaattumillu oquup ulorianartup aamma tusarsaaneruartuinnarneranut ilaatigut aamma tamakkuupput tunngaviusinnaalluurtunut ilaasut.

INI-p suliassamik imminut akilersinnaanngitsumik, soorlu errorsisarfinnik ingerlanernik tigusisinnaannginnera Siumumit paasilluarsinnaavarput, taamaasiornermi ineqarfimmi immikkoortotami suliamik ingerlatsisumi attartortunut aningaasatigut nammakiisarmat.

Taamattaq illoqarfinni ataasiakkaani errorsisarfinnik ingerlatsineq, matumani errorsisarfiit imminut akilerlersinnaanngippata akilersinnaappataluunniit apeqputaatinnagu, Namminersorlutik Oqartussat suliassarinnikkaat paasilluarsinnaavarput. Taamatut piffinni ingerlatsinerit kommunit akisussaaffiisa ataaniinnissaat pissusissamisoorsorinarpoq. Kommunimmi piffinni ataasiakkaani ajornartorsiutit ilisimaarineruaat, ulluinnarnilu aamma innuttaasunik attaveqartuullutik. Ulluinnarni errorsivinnik aningaasanik nakkartitsilluni ingerlatanik nakkutilineq suliassarujussuunanilu ajornakusoortuusorinannigilaq, taamaattumillu kommunit isumaginninnermik ingerlatsivii aqputigalugit assersuutigalugu inunnut killilimmik sulisinnaassusilimmut suliffimmik illersugaasumik pilersitsiviginissaa eqqarsaatersuutigilluarneqarsinnaasorinarluni. Tamannalumi kommunip teknikkkut ingerlatsivia suleqatigalugu ingerlanneqarluarsinnaavoq. Soorunami taakku tamarmik pisinnaassappata, suliassap suliarineqarsinnaanera pillugu inatsisitigut tunngavissaqartariaqarpoq.

Naak ajornartorsiutaasunut paasinnikkaluarluta, errorsisarfinnik ingerlatsineq pillugu suliassap isumagineqarunnaarsimanera tamatumalu kingunerisaanik pineqartumi pisariaqaqisumik innuttaasunik sullissinerup uninngaannartinneqalernera akuersaarsinnaanngilarput.

Taamaammat Naalakkersuisut maleruagassamik imaluunniit maleruagassanik kommunit errorsisarfinnik, taakkulunniit amigartooruteqaralarpata ingerlatsinissaannik mattussisunik nutarterinissaat aqqissutissatut periarfissaasinnaavoq, taamaalilluni kommunit inatsisinik tunngaveqarlutik suliamik ingerlatsisinnaaleqqullugit. Tamatumali soorunami kommunit aningaasatigut ajornakusoortumik inissimanerannut ajornartorsiutit aaqiiviginisnaanngilai. Siunnersuummik piviusunngortitsineq KANUKOKAp ataatsimoortumik tapiissutit qaffanneqarnissaanik kissaateqarsinaanera ilimagineqarsinnaavoq, tassungalu tunngasut Naalakkersuisut KANUKOKAllu oqaloqatigiissutigisariaqarumaassavaat. Illuatungeriit isumaqatiginninniarsinnaanermut kiffaanngissuseqarnerat ataqqigatsigu, taamatut isumaqatiginninniarnissamut atatillugu Siumut akuliunnissamik kissaateqanngilaq. Siunnersuut manna aqputigalugu suliassap isumagineqarsinnaalernissaanut sinaakkutinik qulakeerinnissamut

Naalackersuisut suliaqarnissaat kisiat kissaatigaarput, tamannalumi namminersorlutik oqartussat komminut tunngatillugu suliaasarivaat. Illuatungeriit sulerusussuseqarlutillu qanoq iliorsinnaanermik takutitsissasut kaammattuutigaarput, taamaalilluni innuttat ajornartorsiutaat qaangerneqarsinnaaqullugu.

Siunnersuutip aningaasatigut allaffissornikkullu pisortanut kinguneqaatissai

Suliassaq taaneqartoq annikitsuaaraannaasutut isigineqarpoq. Nunamut namminermut naalackersuisoqarfiup pineqartoq pillugu maleruagassat nalilersussavai KANUKOKA-millu kommuninilluunniit suliaq pillugu oqaloqatiginnissalluni. Tamannali Naalackersuisoqarfiup nalinginnaasumik isumagisassaasa ilaanniiginnarpoq, taamaammallu isumalluutiniq atuinermik kinguneqassagatinnarnani, taakkulu nalinginnaasumik aningaasaliisutigineqartut iluanni ajornangitsumik naammassineqarsinnaapput. Suliaq ukiumut sulinerup tallimararterutaanik annertussusilittut missingerneqarpoq.

Siunnersuutip Namminersorlutik inuussutissarsiortunut aningaasatigut allaffissornikkullu kinguneqaatissai

Kinguneqaateqassanngilaq. Piffinni namminersorlutik ingerlatsisut anigaasanik ikisilluni errorsisarfinnik ingerlatsiffiini kommunit taamatut suliaqassanngitsut naatsorsuutigineqarpoq, tamannalumi aamma soorunami pitsaanerpaavoq.

Siunnersuutip innuttanut aningaasatigut kinguneqaatissai

Siunnersuut innuttaasut aningaasaqarnerannut akornusiisumik kinguneqaateqassanngilaq.